



Inatsisartuni ilaasortaq Juliane Henningsen, Inuit Ataqatigiit

Inatsisartuni ilaasortap Juliane Henningsenip, Inuit Ataqatigiit, § 37 naapertorlugu apeqquteqaataanut akissuteqaat

26. September 2013

Sagsnr. 2013-089064

Dok. Nr.

12. september 2013-imi cigaretsikut pillugit arlalinnik Naalakkersuisunut apeqquteqarputit. Apeqqutitit pillugit qutsavigaakkit akissuteqarnerullu kingusinnera utoqqatsissutigaaara. Akissutit matuma kinguliani allassimapput.

Postboks 909

3900 Nuuk

Tlf. (+299) 34 50 00

Fax (+299) 34 54 10

E-mail: ipan@nаноq.gl

www.naalakkersuisut.gl

Apeqqut:

- 1) Igitassanik pīaaaneq pillugu Namminersornerullutik Oqartussat nalunaarutaat nr. 28, 17. september 1993-imeersoq naapertorlugu "Igitassanik sunilluunniit nunaminertanut namminersortunit pisortanilluunniit pigineqartunut inissiisoqaraniluunniit eqqaasoqassangilaq."

Inerteqqummi tassani cigaretsikut aamma pineqarpat?

Akissut: Aap.

- 2) Kommunit nalunaarummi tassani § 17, imm. 4, tunngavigalugu pisussaaffeqarput eqqaavinnik siparninik eqqaavinnillu containerinik pisorta qarfiit eqqaanni inissiinissaminnut.

Inoqarporli cigaretsikunut eqqaavinnik siparninik atuinissamut toqqissisimanngitsunik, qamilluarsimanngikkaanni ikuallalersinnaanerit pissutigalugu.

Tamannattaq pissutigalugu § 3, imm. 2, pujortarnissamik inerteqqut pillugu Inatsisartut inatsisaanni nr. 15-imi 26. maj 2010-meersumi aalajangersarneqarpoq silami pujortartarfimmi (tassalu illuaqqani pujortartarfinni assigisaannilu) cigaretsikunut eqqaaveqassasoq matusartunik. Taamali piumasaqaateqartoqanngilaq avatangiisini ammaannartuni, aqquserngit killingini allanilu, kommunit eqqaavinnik inissiisussaataffaani.

Naalakkersuisut isumaliutigerusuppaat nalunaarummi aalajangersagaq § 17 imm. 4 annertusillugu taakkunani aamma matusartunik cigaretsikoorfeqalersitsinissaq?

Akissut: Aap, nalunaarutip tullianik iluarsaanneqarneranut atatillugu aalajangersakkap annertusineqarnissaa, taamaalillunilu cigaretsikunut eqqaaviit matoqqasut ilanngunneqarnissaat Naalakkersuisut eqqarsaatersuutiginiarpaat.

- 3) Naalakkersuisut eqqarsaatigaat avatangiisit minguitsuutinnissaat anguniarlugu ileqqunik allannguinnissamut paasisitsiniaanissaq?

Akissut: Aap, avatangiisit minguitsuutinnissaat anguniarlugu pissusilersuutaasartunik allannguinnissamut paasisitsiniaanissaq Naalakkersuisut eqqarsaatigaat. Paasititsiniaaneq 2014-imi upernaakkut ingerlanneqassaaq, tassanilu inuit cigaretsikunik eqqagassanillu allanik eqqaavinnut siparninut imaluunniit cigaritsikunut eqqaavinnut igitsisarnissamut eqeersarneqassapput.

Inussiarnersumik inuulluaqqusillunga

Mette Lyngø